



Broj: 02-11-2-057 /23
Datum: 16.05.2023.godine

Na osnovu člana 42. Statuta Općine Olovo („Službeni glasnik Općine Olovo“, broj 2/07, 4/08, 7/18 i 8/19), te u sklopu projekta UNDP-a „**Jačanje uloge Mjesnih zajednica u Bosni i Hercegovini**“-faza II, Općinski načelnik objavljuje

DIREKTNI POZIV **za finansiranje projekta u jednoj partnerskoj mjesnoj zajednici**

Direktni poziv za podnošenje projektnih prijedloga namijenjen je partnerskim mjesnim zajednicama, te je jedna od aktivnosti druge faze projekta „Jačanje uloge Mjesnih zajednica u Bosni i Hercegovini“, a u kojoj sa područja Općine Olovo učestvuju: MZ Careva Čuprija, MZ Čuništa, MZ Milankovići, MZ Križevići i MZ Gurdići.

Projekti s kojima navedene mjesne zajednice mogu aplicirati su isključivo prioritetni projekti indetifikovani putem organizovanih foruma u MZ koja sudjeluje u implementaciji UNDP projekta „Jačanje uloge Mjesnih zajednica u Bosni i Hercegovini“.

Općina Olovo i MZ projekat će zajednički finansirati jedan projekat u jednoj mjesnoj zajednici, a koji bude prvorangirani u skladu sa zadanim kriterijima i koji se uklapa u raspoloživa finansijska sredstva.

Nakon izvršene evaluacije i bodovanja pristiglih aplikacija iz partnerskih mjesnih zajednica, Općina Olovo će isključivo biti nosilac i preuzeti implementaciju odabranog projekta kroz sistem javnih nabavki. Prijedlog projekta treba da bude pripremljen u skladu sa zahtjevima i karakteristikama datim u aplikacionom paketu, uključujući i obrazac projektnog prijedloga i sve pripadajuće priloge koji su sastavni dio ovog Direktnog poziva.

Direktni poziv je otvoren **do 06.06.2023.**

Maksimalna vrijednost dostavljenih prijedloga projekata može biti **43.200 KM** bez PDV-a (**50.544 KM** sa PDV-om) uključujući sredstva UNDP MZ projekta i Općine Olovo u skladu sa dogovorenim procentom sufinansiranja. Vrijednost projekta može biti i veća od naznačenog iznosa ukoliko mjesne zajednice imaju obezbijedena sredstva iz drugih izvora.

Minimalna ukupna vrijednost dostavljenih prijedloga projekata je **40.000 KM** bez PDV- (**46.800 KM** sa PDV-om) uključujući sredstva UNDP MZ projekta i Općine Olovo u skladu sa dogovorenim procentom sufinansiranja.

Dostavljeni projektni prijedlozi MZ čija vrijednost ne prelazi **40.000 KM** bez PDV- (**46.800 KM** sa PDV-om) neće se razmatrati, dok projektni prijedlozi MZ koji prelaze gornji limit ukupno raspoloživog fonda za jednu MZ mogu biti razmatrani uz dostavljene dokaze da su sredstva preko gornjeg limita u potpunosti osigurana od strane MZ i partnera na projektu.

Pristigli projektni prijedlozi će biti podvrgnuti komisijskoj evaluaciji od strane evaluacione komisije koju će činiti predstavnici Općine Olovo i UNDP MZ Projekta.

U prilogu Direktnog poziva se nalaze Smjernice za Direktni poziv, Obrazac projektnog prijedloga i svi pripadajući prilozi.

Ispunjeni set dokumenata za projekat sa svom zahtijevanom dokumentacijom se dostavlja u jednom primjerku u štampanom obliku i jednoj elektronskoj kopiji (USB) u zatvorenoj koverti sa naznakom:

„Aplikacija za Direktni poziv za mjesne zajednice u okviru projekta JAČANJE ULOGE MZ U BIH“, tokom radnih dana u periodu od 7:30 do 16:00 na protokol u šalter sali Općine Olovo, ili putem pošte na adresu:

Općina Olovo,
Branilaca Olova bb,
71340 Olovo.

Obradivač:


Adnan Klempić

